

Broj: 03-02-1211/2024
Sarajevo, 12.12.2024. godine

**PARLAMENT FEDERACIJE
BOSNE I HERCEGOVINE**

- **Predstavnički dom -
gosp. Dragan Mioković, predsjedavajući**
- **Dom naroda -
gosp. Tomislav Martinović, predsjedavajući**

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 172. stav (1) Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i članom 164. stav (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), **radi razmatranja i usvajanja po skraćenom postupku, dostavljam Vam PRIJEDLOG ZAKONA O IZMJENI ZAKONA O IZDVAJANJU I USMJERAVANJU DIJELA PRIHODA PREDUZEĆA OSTVARENIH RADOM TERMoeLEKTRANA**, koji je utvrdila Vlada Federacije Bosne i Hercegovine na 44. sjednici, održanoj 11.12.2024. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog

- Prijedlog zakona na bosanskom jeziku,
- Odredbe Zakona koje se mijenjaju i
- Zakon o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14).

**Co: Federalno ministarstvo energije, rudarstva i inustrije
gosp. Vedran Lakić, ministar**

Co: predsjednik

**BOSNA I HERCEGOVINA
FEDERACIJA BOSNE I HERCEGOVINE
VLADA**

„E1“

PRIJEDLOG

**ZAKON
O IZMJENI ZAKONA O IZDVAJANJU I USMJERAVANJU DIJELA PRIHODA
PREDUZEĆA OSTVARENIH RADOM TERMoeLEKTRANA**

Sarajevo, decembar 2024. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Odredbama člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) propisuje se da, kada nije u pitanju složen i obiman zakon, podnosilac prijedloga zakona može umjesto nacrtu podnijeti prijedlog zakona i predložiti da se prijedlog zakona pretresa po skraćenom postupku bez nacrtu zakona.

Također, u članu 164 stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), propisuje se da, kada je to programom rada Doma naroda predviđeno ili kad nije u pitanju složen i obiman zakon, podnositelj prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

Zakonom o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana vrši se izmjena jednog člana u važećem zakonu, čime se ispunjava uslov da zakon nije obiman i složen.

ZAKON
O IZMJENI ZAKONA O IZDVAJANJU I USMJERAVANJU DIJELA PRIHODA
PREDUZEĆA OSTVARENIH RADOM TERMoeLEKTRANA

Član 1.

U Zakonu o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14, u daljnjem tekstu: Zakon) član 4. mijenja se i glasi:

"Naknada iz člana 2. ovog zakona iznosi 0,0018 KM po kilovatsatu (kWh) proizvedene električne energije na pragu termoelektrane."

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH", a početak će se primjenjivati od 01.01.2025. godine.

OBRAZLOŽENJE
PRIJEDLOGA ZAKONA O IZMJENI ZAKONA O IZDVAJANJU I USMJERAVANJU
DIJELA PRIHODA PREDUZEĆA OSTVARENIH RADOM TERMoeLEKTRANA
(„Službene novine Federacije BiH“, broj 80/14)

I - USTAVNI OSNOV

Ustavni osnov za donošenje Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14), sadržan je u odredbi člana III.1. tačke b.) i f.), koji je izmijenjen amandmanima VIII, LXXXIX i CVI Ustava Federacije Bosne i Hercegovine prema kojoj je u isključivoj nadležnosti Federacije BiH utvrđivanje ekonomske i energetske politike, i člana IV. A. 20. (1) d) Ustava Federacije BiH, prema kojem je Parlament Federacije Bosne i Hercegovine, uz ostala ovlaštenja predviđena Ustavom, odgovoran za donošenje zakona o obavljanju dužnosti federalne vlasti.

II - RAZLOZI ZA DONOŠENJE

Razlozi za donošenje Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14), proizilaze iz potrebe da se stvore pravne pretpostavke za pravilnu i potpunu primjenu Zakona u praksi, otklanjanjem nedostataka koji su uočeni u toku njegove primjene.

U skladu da navedenim kao i informacijom dostavljenom od strane JP Elektroprivrede BiH d.d. – Sarajevo, definisan je novi iznos naknade po kilovatsatu (kWh) proizvedene električne energije na pragu elektrane i to u iznosu od 0,0018 KM po kilovatsatu (kWh), uz napomenu da u prethodnom periodu nije bilo usklađivanja sa povećanjem odnosno smanjenjem cijene električne energije.

Također, u članu 4. stav (2) se briše, iz razloga što je važećom odredbom Zakona definisano da se naknada procentualno usklađuje sa svakim povećanjem, odnosno smanjenjem cijene električne energije koju utvrđuje Regulatorna komisija za energiju u Federaciji BiH (FERK), a da je Novi Zakon o električnoj energiji Federacije Bosne i Hercegovine ("Službene novine Federacije BiH", broj 60/23), stupio na snagu dana 17.8.2023. godine, te da je članom 173. stavom (2) Zakona o električnoj energiji Federacije Bosne i Hercegovine propisano da će Regulatorna komisija po službenoj dužnosti u roku od 30 dana od dana stupanja na snagu zakona ukinuti rješenja kojima je odobren potreban godišnji prihod od regulisanih tarifa zasnovanih na priznatim planskim troškovima za bilansiranu proizvodnju električne energije i snage. Postupajući u skladu s navedenom odredbom Zakona o električnoj energiji Federacije Bosne i Hercegovine, FERK je, dana 31.8.2023. godine na svojoj XVII. Redovnoj sjednici, donio Rješenje broj: 07-13-2-1170-1/23 kojim je ukinuo Rješenje broj 07-02-91-75/3/11 o odobrenju potrebnog godišnjeg prihoda od regulisanih tarifa za djelatnost proizvodnje električne energije Javnom preduzeću Elektroprivreda Bosne i Hercegovine d.d. – Sarajevo. S obzirom da su ukinutim rješenjem FERK-a utvrđene cijene električne energije na pragu termoelektrana, a koje su korištene za usklađivanje predmetne naknade, važeće odredbe člana 4. stava (2) Zakona postaju u potpunosti neprovedive. Zakon o izmjeni zakona nije bio predmet usaglašavanja sa zakonodavstvom Evropske unije.

III OBRAZLOŽENJE PREDLOŽENIH PRAVNIH RJEŠENJA

Predlaže se donošenje Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana a razlozi za njegovo donošenje sadržani su u obrazloženju, na način kako slijedi:

1. Obrazloženje za izmjenju člana 4. Zakona:

U Zakonu član 4. mijenja se i glasi:

"Naknada iz člana 2. ovog zakona iznosi 0,0018 KM po kilovatsatu (kWh) proizvedene električne energije na pragu termoelektrane."

Obrazloženje za izmjenju člana 4. Zakona proizilazi iz potrebe da se stvore pravne pretpostavke za pravilnu i potpunu primjenu Zakona u praksi, otklanjanjem nedostataka koji su uočeni u toku njegove primjene. U skladu da navedenim kao i informacijom dostavljenom od strane JP Elektroprivrede BiH d.d. – Sarajevo, definisan je novi iznos naknade po kilovatsatu (kWh) proizvedene električne energije na pragu elektrane i to u iznosu od 0,0018 KM po kilovatsatu (kWh), uz napomenu da u prethodnom periodu nije bilo usklađivanja sa povećanjem odnosno smanjenjem cijene električne energije. Također, u članu 4. stav (2) se briše, iz razloga što je važećom odredbom Zakona definisano da se naknada procentualno usklađuje sa svakim povećanjem, odnosno smanjenjem cijene električne energije koju utvrđuje Regulatorna komisija za energiju u Federaciji BiH (FERK), a da je Novi Zakon o električnoj energiji Federacije Bosne i Hercegovine ("Službene novine Federacije BiH", broj 60/23), stupio na snagu dana 17.8.2023. godine, te da je članom 173. stavom (2) Zakona o električnoj energiji Federacije Bosne i Hercegovine propisano da će Regulatorna komisija po službenoj dužnosti u roku od 30 dana od dana stupanja na snagu zakona ukinuti rješenja kojima je odobren potreban godišnji prihod od regulisanih tarifa zasnovanih na priznatim planskim troškovima za bilansiranu proizvodnju električne energije i snage. Postupajući u skladu s navedenom odredbom Zakona o električnoj energiji Federacije Bosne i Hercegovine, FERK je, dana 31.8.2023. godine na svojoj XVII. Redovnoj sjednici, donio Rješenje broj: 07-13-2-1170-1/23 kojim je ukinuo Rješenje broj 07-02-91-75/3/11 o odobrenju potrebnog godišnjeg prihoda od regulisanih tarifa za djelatnost proizvodnje električne energije Javnom preduzeću Elektroprivreda Bosne i Hercegovine d.d. – Sarajevo. S obzirom da su ukinutim rješenjem FERK-a utvrđene cijene električne energije na pragu termoelektrana, a koje su korištene za usklađivanje predmetne naknade, važeće odredbe člana 4. stava (2) Zakona postaju u potpunosti neprovedive.

IV FINANSIJSKA SREDSTVA

Za provođenje Zakona o izmjeni Zakona o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14) nije potrebno izdvojiti posebna sredstva u Budžetu Federacije Bosne i Hercegovine.

**ODREDBE ZAKONA O IZDVAJANJU I USMJERAVANJU DIJELA PRIHODA
PREDUZEĆA OSTVARENIH RADOM TERMoeLEKTRANA („SLUŽBENE NOVINE
FEDERACIJE BIH“, broj 80/14) KOJE SE MIJENJAJU**

Tekst člana 4. važećeg Zakona o izdvajanju i usmjeravanju dijela prihoda preduzeća ostvarenih radom termoelektrana ("Službene novine Federacije BiH", broj 80/14), koji se mijenja:

Član 4.

(1) Naknada iz člana 2. ovog zakona iznosi 0,0015 KM po kilovatsatu (kWh) proizvedene električne energije.

(2) Visina naknade iz stava 1. ovog člana procentualno se usklađuje sa svakim povećanjem, odnosno smanjenjem cijene električne energije koju utvrđuje nadležno regulatorno tijelo za električnu energiju Federacije Bosne i Hercegovine i primjenjuje se od dana povećanja odnosno, smanjenja cijene električne energije.